

STORACLES OF PROPHECY

Cain Ciaptehna

Piancil 4:1-15


Ta-ang Thu . . .

Adam leh Eve te ta masa nihte nuntaak dan leh gamtat khuaheek zia kilamrang tuak mahmah hi. Cain in loo khawh leh inn lamh nuamsa-in, Abel in mualkuam zangkuam khawngah a gannote cin nuamsa hi.

Adam leh Eve te thuman lohna hangin hih leitungah mawhna hong lut ciangin, mihingte kihotkhat nadingin Pasian in poina neilo tuuno si tawh biakpiakna bawl dingin thu pia a, sisan luang lo-in mawh maisakna om lo hi, ci-in hong hilh hi (Hebrews 9:22). Hih poina neilo tuuno in mihingte

mawhna hangin, Topa Zeisu hih leitungah mihing bangin hong piang dingga sihna hong thuak ding hicih lahna ahi hi. Abel in Pasian sawl mah bangin thumang iin ama mawhna sut nadingin tuuno khat hong la-in hong kithoih a, ahih hangin Cain in ahih leh Pasian sawl bang teektek kulse ding hiam ci-in ngaihsun hi. Amah in hih biakpiakna pen tua zahpi-in thupi ngaihsut lo-in dotna nei den a, Pasian biakpiakna ahih nak leh bangbangin ih bia zongin hong sang lel ding hi, ih lungsim thupi hi-a avan thupi hi lo hi ci-in ngaihsun a, sisan luang pen nitsak lel ci-in ama loo pan apiangte tawh biakpiakna pia dingin hong keng hi. Anau pa biakpiakna vantung pan mei hong kia-in kangtum a, ahih hangin

ama biakpiakna pen ka-ang lo-a hong om ciangin hazatna lungsim tawh en hi. Pasian itna in Cain kiangah thumang dingin zol a, ahih hangin Cain in lungsim khauh-in langpan a Pasian thu nial ding bek ngaihsun hi.



AMAZING FACTS

Abel in zong a upa kiangah zol-in gena ahih hangin Cain pen heh mahmah hi. Atawpna ah anau pa that-in Abel sisan luangte in akhe ah baang hi. Pasian in Cain samsia a, Cain in tua samsiatna pen uangluu hi ka si lel ding hi ci ahih manin Pasian in kuamah in Cain asukkhak loh nadingin ciaptehna khat bawl hi.

Ni nunungni ciangin Christian te kiangah bangci biak ding leh bang hun-in bia ding cih thu hong om ding hi ci-in Mangmuhna bu sungah hong gen hi. Sawt nawn hetlo-in Pasian ciaptehna ahih kei leh sapi ciaptehna mihing te khempeuh tungah kipia ding hi.

Thu Sinna

Laisiangtho na sim khitciangin a awng munte behlap in.

1. Gimna nam sagih hun sung kuate kihu ding hiam?

Mangmuhna 7:3 "I Pasian' nasemite, a _____ uhah _____ i bawl khit matengin leitung, tuipi, leh singkungte susia nai kei in," a ci hi.

Pasian ciaptehna ataltang tungah angahte in gimna nam sagih te akiat ciangin kidalna ngah ding uh hi (Late 91:7-11).

2. Midikte tal ah akikheng ding "ciaptehna" in bang hiam?

Isaiah 8:16 Ka nungzuite aw, _____ in kei tungah hong piak hih thute(law), limtakin kemin koihcinc un. (*Bind up the testimony; seal the law among my disciples.*)

Phawk Ding: Pasian ciaptehna Ama thukham sungah om hi. Seal ih cih pen thunei khat i bawl hi a, tua seal sungah nam thum kihel hi: (1) Min, (2) Zaa, leh (3) A Gam ukna cia, te kigelh hi. Genterna in "Cyrus king of Persia" in Ezra 1:1.

3. Thukham Sawmte lakah, hih ciaptehna (seal) pen nambat bangzahna ah om hiam?

Paikhietna 20:11 Ni guk sung tengin _____ in van leh lei, tuipi leh tuate sunga om _____ a,

Phawk Ding: Thukham lina pen bek in ciaptehna (seal) akihel thu nam thumte om na ahi hi. (1) "Pasian"—Ama min , (2) "bawl"—Ama ukna Zaa a Bawlp (3) "Vantung leh leitung, tuipi, leh asung aom te" —Ama Ukna gam hi.

4. Pasian hong piak Ama vangliatna ii ciaptehna in bang hiam?

Ezekiel 20:12 { Topa } ahi keimah in amauta pen mi siangtho-in ka bawlna thu a phawkna dingun kote' kikalal thukimna _____ in Sabbath tan' ding thu ka pia hi.

Ezekiel 20:20 I kikal ah _____ ahi theih nadingin ka _____ siangthosak un. Tua hileh keimah TOPA note Pasian ka hilam na thei ding uh hi. (ZIV)

Paikhietna 31:13 Note in keima Sabbathte na tang ding uh hi, bang hang hiam cih leh hih in keimah, Topa in note a hong siangthosak ka hihna na theihna dingun na khang tawntungan keimah leh note _____ khat ahi hi.

Phawk Ding: Pasian in a Sabbath pen Amah vangliatna leh bawlp ahihna kitel nading leh siangho azat dingin pia hi. Tua pen ama ciaptehna (seal) hi, ahih kei leh ama vangliatna ciaptehna hi. "ciaptehna," "lim," "mark," leh "token" cihte pen Laisiangtho sungah akizang koikoi thei ah hi (Piancil 17:11, Roman 4:11 leh Mangmuhna 7:3, Ezekiel 9:4 te saikak ni).

5. Mangmuhna 13 sungah sapi nihna in zawhthawh thu-in mi khempeuh bang hong sawl ding hiam?

Mangmuhna 13:16 Tua ganhing in a lian a neu, a hau a zawng, sila leh sila a hilo, mi khempeuh in a taklam khut tung uh ahih kei leh a _____ uhah _____ a neihna dingun thu a pia hi.

6. Sapi ciaptehna in bang hiam?

Phawk Ding: Lesson 13 na ah Mangmuhna 13 sunga sapi masa ih gen khin zo hi. Avangliatna leh a thuneihna bang ahi hiam? Ama thuneihna ih theih nading ahoih pen lampi in papacy ih dot ding ahi hi. Anuai a Catholic catechism te gelhkhat te en dih ni:

"Q. Sabbath ni bang ni ahi hiam?

"A. Saturday pen Sabbath ni hi.

"Q. Bang hangin en Saturday ta'ngin Sunday tang ih hi hiam?

"A. Saturday ta'ngin Sunday ih tang hi bang hang hiam cihleh Catholic Pawlpi in a thupi ni Saturday pen Sunday ah khek hi."¹

Catechism te genna adang khat ah:

"Q. Hi banga khek theih nadingin Pawlpi in thuneihna cih bang anei mah ahi hiam?

"A. Tua banga khek theih nadingin thuneihna neilo hi. Tua bangin ni sagih nipi (Saturday) pan a ni masa nipi (Sunday) ni aa khek theih nadingin tua bang thuneihna neilo-a, Laisiangtho sungah zong omlo hi."²

Tua manin papacy in a genna ah Sunday ni pen ni siangtho ni-a akhek na in a vangliatna uh a kilatna hi a, leitung mite khempeuh in zui hi ci uh hi. (Hilhianna ah thulu, "Papacy in Protestant te kiangah docta thupi bang dong hiam?" na en in.)

¹Peter Geiermann, *The Convert's Catechism of Catholic Doctrine* (St. Louis: B. Herder Book Co., 1957 edition), p. 50.

²Stephen Keenan, *A Doctrinal Catechism* (New York: P.J. Kenedy & Sons, third American edition, revised, n.d.), p. 474.

7. Pasian ciaptehna, sapi ciaptehna te mit tawh a kimu thei ding hiam?

Hebrews 10:16 Topa in ci hi. Amaute _____ sungah ka thukhamte ka koih dinga, amauta _____ sungah tuate ka gelh ding hi," ci hi. (ZIV)

Thuhilhsia 9:10 _____ sep ding na muh peuhpeuh na tha neih zahin sem in. (ZIV)

Paikhietna 13:9 Note khut-ah note adingin _____ hi henla, na muk-ueah TOPA' thukham hi-in, na taltang-ueah (mittangte kikal) _____ hi hen. (ZIV)

Isaiah 59:6, 7 A nasep uh gitloh nasep hi-a, a _____ un gamhtatna bek a sem hi. ... A _____ uh gitloh ngaihsutna hi a; amau lampi ah kisiatna le siatna sul a pai hi. (ZIV)

Phawk Ding: Pasian seal ahi zongin sapi ciaptehna ahi zongin, apua lam pan-a muh theih ding hi lo hi. Taltang cih khatna in lungsim ngaihsutna hi a, khut tungah cih pen sepkhietna cih ahi hi. Adang tawh genlai leng, "mittangte kikal (taltang tung)" cih pen Laisiangtho in ngaihsutna leh sepkhietna cih a gennuam hi tawntung hi (Paikhietna 13:16; Gamlakvaka 6:8; 11:18). Mi khat in Laisiangtho thumaan awlmawh lo-in Sunday ni pen ni siangtho-a zat ding a tel ciangin sapi ciaptehna ngah ahi hi. Mi khat peuh in Pasian' Sabbath ni-in na asep manin a taklam khut ah ciaptehna ngah ding hi ahih kei leh kilangh tanga Sunday atan man, innkuuan pihte hang, nasep taan ding alau man cih bang atuamtuan hangin Sunday ni atan leh zong a taklam khut ah ciaptehna a ngah ding hi. Hih ciaptehna pen mihing mit tawh ahi muh theih loh hangin, Pasian in kua in bang ciaptehna ngah cih thei ding hi (2 Timothy 2:19). Tua manin mi khempeuh

in amau deih teel ciat uh tawh tua ciaptehna a ngah ding uh hi. Pasian Sabbath siangtho ni zahtakin ka tan leh Amah in Ama adingin hong ciameh dinga, a maanlo sapi' Sabbath ka tan a leh Amah in sapi neihsa-in hong ciameh ding hi.

8. Ama nungzuite ih hih leh hihloh Zeisu in koici khensat ding?

Romans 6:16 A thu na _____ pa uh sila na hilam uh thei lo na hi uh hiam? (ZIV)

John 14:15 Kei nong it uh leh ka thupiakte na _____ ding uh hi

9. Sapi ciamehna angah tun aom ta diam?

Mangmuhna 13:17 Tua ciamehna, gamsa (sapi) min ahikeh a min nambat ahi ciamehna a nei lote in _____ thei loin, _____ thei lo ding uh hi.

Phawk Ding: Kuamah in tulaitak ciaptehna nei nailo hi. Zawhthawh thu tawh hong kisawl hun ciangin sapi ciaptehna a ngaate in lei thei-in zuak thei ding uh hi. Tua hun ciangin Pasian' Sabbath siangtho atangte in nakpi takin haksatna thuak ding uh hi (Mangmuhna 13:15), Amau deihtelna tawh Pasian ni siangtho ni thusim lo-in Pasian thukham tungah mite bawltawm thukham kohi dinga vote apia mi khempeuh Antichrist aa (pawl) iin kiciamteh ding hi. Zeisu tung leh Ama ni siangtho ni atang acitak mite in Zeisu' minthanna seal ngah ding uha, Zeisu aa hi tawntung ding uh hi. Alaklawh (aluum) aom mi khempeuh pen Antichrist pawl-in kiciamteh ding hi (Matthew 12:30).

10. Antichrist in khek ding ahanciam thu nihte in bang hiam?

Daniel 7:25 Amah in ... _____ le _____ khek ding a hanciam ding hi. (ZIV)

Phawk Ding: Laisiangtho Lui gen Antichrist vanglatna pen Daniel 7 sungah hong gencian hi. Sapi in Pasian thukham te leh hun te khel ding hanciam ding hi ci-in siang takin genkhoh khin hi. Papacy in Pasian thukham khel ding ahanciam thute in: (1) Milim abiak nop manun thukham nambat nihna lakhia uh hi, (2) Thukham nambat lina pen kammal 94(mikang lai-in) apha pen tom sakin Sabbath ni bangni hiam ci-a agenna teng paaikhia hi, (3) Thukham nambat sawmna khen nih suah iin sawm mah phasak veve hi. Papacy in khel ding ahanciam hunte in: (1) Mite tungah ni sagih ni Nipi ta'ngin ni masa ni nipi hi ci a hilh, (2) Milim bia kumpi Rome te ni sim dan mah bangin nitum khatpan nitum khat kmlai zankim pan zankim aa ni simsak hi. Pasian hun sehra pen nitum khat pan nitum khat hi a, Friday nitum pan kipanin Saturday nitum ciangdong ahi hi (Siampilaibu 23:32). Asi thei mi in Pasian thukham leh hunte khek ngam nading thu omlo hi (Matthew 5:18).

11. Pasian in ta-anglai aa Ama siampite leh pastorte bang ci taii hiam?

Malachi 2:8, 9 Mi tampi ... _____ na palsat khin hi. ... Keima lampi zui loin, thukham thu ah mi _____ na hi manin, ...

Hosea 4:6 Keima mite theihna a neihlohma hanga kisia ahi hi. "Theihna nial na hi manun ka siampite dingin kong nial hi; Pasian _____ lo na hi manun kei zong na tate uh ka thusim kei hi.

Phawk Ding: Pasian in tudong mah na asak in pastor te in thukham giat, kua khawng bek suah uh ahih manun mi tampite in Pasian thupiak ahi Sabbath ni siangtho a zat ding a pampaih sak man uh ahi hi. Pawlpi khempeuh in Sunday ni siangtho a zat nadingin Laisiangtho sungah mun khat beek omlo cih zong thei khin uh hi. Adah huai tatak in, thei pipi-a Protestant dang teng leh Catholic te in Laisiangtho Sabbath a pampaih manun Pasian thukhenna mai ah mawhsakna thuak ding uh hi! Pasian mahmah in Sabbath ni pen piangsak Pa leh siangthosak thei Pa leh gum Pa ahihna lim leh ciaptehna dinga hong piak ahi hi (Paikhietna 31:17; Ezekiel 20:12). Alian vantung Pasian phawkna leh Ama dinna ahi ni siangtho ni pen kua in tuancil ngam ding ahi hiam?

12. Ta-anglai a Pasian nasem te in alian Pasian thukham, na bangci san uh hiam?

Hosea 8:12 Amau adingin ka thukham nate tampi gelh ta leng, a _____ na khatin a sim uh hi.

Phawk Ding: Pasian in a hun khel lo-in Sabbath kohi a alian bel ciaptehna dingin Pasian in Ama thukham ah Sabbath pen a laizangah kohi iin "phawk un" cih kammal tawh thukhun hong pia hi. Hita mahleh mi tampi te in tuni dongin Ama ni sagih Sabbath pen tan ding piang thei salo (lamdang ngaihsut) uh hi.

13. Pasian in Ama ni siangtho Sabbath tawh kisai-in biakna makaite bangci taii hiam?

Ezekiel 22:8 A siangtho ka vante _____ lo a, ka Sabbath-te kitang lo hi.

Ezekiel 22:26 A siampite un ka thukham ngawhbawl uh a, a siangtho ka vante a buahsak uh hi; a siangtho vante le van mawkmawkte a _____ uh hi; ... Ka Sabbath-te a tan ding uh a _____ uh hi.

Phawk Ding: Biakna makaite in Sabbath kisam non kei ci-in amaan lopi "Topa in ci hi" a cih uh ciangin Pasian in tangtak in na taii hi.

14. Bang mawhna pen, Pasian in Ama makai te in a tangko dingin thupi hiam?

Isaiah 58:1, 13, 14 Na aw neih zah sit loin awng in. Pengkul bangin na aw ngaihsak in. Ka mite tungah amaute _____ uh genkhia in. ... "Sabbath palsat loh nadingin na khe na kep a, ka ni siangtho ni nang _____ bangin zang lo-a, Sabbath ni a _____ ni le a pahtawi huai TOPA ni siangtho hi ci a, ... Tua ciangin TOPA sungah lungnopa na mu ding hi.

Phawk Ding: Pasian in Ama mite in Ama Sabbath siangtho ni limtak zui-a, Sabbath palsatna in mawhna ahilham ahilh dingin khalam makaite vaipuak guan hi. Ta-anglai nungzuite mah bangin eite in zong mite thu sangin Pasian thu mah man zawkna in a muanhua pen hibek hi (Sawltaakte 5:29).

15. Zeisu na lungsim khempeuh tawh sangin zuih ding na khensat ciangin bang hong piang ding hiam?

Matthew 11:29 Keima hakkol kisuan unla kei kiangah kisin ta un. Ahang in, keimah lungsim nem le lungsim kiniamkhiat mi ka hi hi, na _____ un _____ a ngah ding hi.

Phawk Ding: Tawldamma leh lungmuanna taktak na kikel ciangin na lung sungah hong lut ding hi. Sabbath cih khiatna in "tawlna/mang" cih hi a, pianthakna pan-a kingah tawldamma leh lungmuanna limla hi (Hebrews 4:1-10). Mi piangthak takpi te in thupha sanna lim ahi tawlnakna iin Sabbath ni tawlna ding uh hi (phawk in aneu 4, 9, 10). Kikel a Pasian Sabbath siangtho ni a tawlna mi ii ngah nuamna tawh kibang nuamna dang omlo hi.

Nang Dawnna

Sapi ciamehna "deihlo" na cih ma-in, Pasian ciaptehna "deih" na cih masak kul hi. Zeisu in na dawn ding kaal ngaklah-in na lungsim kongkhak kiangah hong ngak gige hi. Pasian pen Piangsakpa leh Gumpa hicich lahna iin a minthang Ama Sabbath siangtho diallap laam dingin tu-in na khensat nuam ta hiam?

DAWNNA: _____

Hilhcianna

Hih anuau- a te in telbeh nadingin hong huh ding hi.

Papacy in Protestant te kiangah dotna thupi bang dong hiam?

Protestant te in Papacy tungah thu dong kikkik uha, "Pasian thukham bang hangin khek ngam na hi hiam?" ci uh hi. Ahih hangin Protestant te tunga, Catholic pawlpi te dotna pen muibun zaw mahmah hi. Hih bangin dong uh hi: "Saturday ni pen Jew te Sabbath hi hong ci ding hi teh, ahih hangin Christian te Sabbath ni pen Sunday ni in kilaih khin hi. Kilaih! Kua in laih hiam? Anungta Pasian thukham alaih thei ding kua ta om hiam? Pasian in, ni sagih nipi pen siangtho takin na zang ding hi, acih laitakin, kua in Hilo, tua ni in nidanga nasep ngei uh mah bangin na nasem ding uha, ahih hangin tua ni ta'ngin ni masa ni na tawlna ding uh hi, ci ding hiam? Hih pen na dawn theih mel loh ding athu pi mahmah dot na khat hi ding hi. Nang Protestant khat in Laisiangtho bangin ka um-a ka zui hi na ci ta zen hi, athupi mahmah ni sagih ni atang bangin, ni masa ni tangin na om hi, ahih hangin Laisiangtho tawh akilehbulh iin na gamta hi. Laisiangtho sunga hong sawl tawlnakna iin na gamta hi. Siangtho taka zatding thukham pen, thukham sawm sungah khat ahi hi. Adang kua teng zong na thukim hi, alina pen palsat dingin kua in thu hong pia hiam? Na upna bulpi azui cinten hi lecin, Laisiangtho sunga bang lian azui hi lecin, Laisiangtho Thak sunga limtak-a agen thukham nambat lina pen na nuntaak pihloh phamawh hi."¹

¹ Library of Christian Doctrine: Why Don't You Keep Holy the Sabbath-Day? (London: Burns and Oates, Ltd.), pp. 3, 4.